

محل مطبعه و اداره :

جفـال اوغلانده امنيت
صندوغي جوارنده
شنكول يقوشنده
۲۲ نومرو

مستطابق

اظـار :

مسلكمزه . و افق آثار
جدیدہ مع الممنونیه
قبول اولنور

درج ایدلمه یں آثار اعاده اولنماز

دیرہ ، فلسفہ ، علوم ، حقوق ، ادبیات تاریخ ، و سیاسیاندرہ و بالخاصہ احوال و شئونہ اسلامیدرہ بحث ایدر و هفته درہ بر نشر اولنور .

آبونه بدلی

صاحب و مؤسسلری :

در سعادتده نسخہ سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرلہ دن مقوا بورو ایله کوندربیلیرسه سنوی

۲۰ غروش فضلہ آلتیر

۱۰ تموز ۳۲۴

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

بورجلی دکلر ، روسیه به صادق اولمایه بورجلیدرلر ، هم صادق بولنیورلر . مسلمانلرک کوکسی یاروب قاریشدرمه به نه لزوم وار . روسیه حمایه سنده ایکی خالق وار ، بولر کیمک باشنه بیدیلرکه ایکیده بر سافر کی چینه یورلر ؟

شون

دولت عثمانیه :

اتحاد عناصر . — بولغار وروم عثمانیلر آره سنده ائتلاف واتحاد حصولی ایچون ، روم و بولغار مبعوثلر اوغراشوب طور یورلر . بطریقخانه یی بعض بولغار مبعوثلری زبارت ایتدیلر . بعض روم مبعوثلری اکسارخانه یه کیده جکلر . اکسارخ جنابلری بوتشدن ممنونیتی اظهار ایتدی . بطریق جنابلری ده طبعی ده آرمون دکلرلر . بوقایه ک حدوشدن بر آزاو یونانستان ایله بولغارستانک اتفاقلرندن مجتهدده باشلامشدی .

اک زیاده اتحاد عناصر طرفداری بر تورک غرتیه سی بیه بو « تصادف » دن خوشلاشمیدی . بولغارلر قیزدی . عجبا اتحاد عناصر بو بوکا مائل شکلده می وجود بوله جق ؟ بویه اولورسه ، اتحاد ایله برابر اختلاف ده تولد ایدیور ، دیمکدر .

مصرده وضعیت سیاسی . — انگلیزلرک قاهره دن چکدیروب بزم استانبول غرتیه لرینک بلا تدقیق درج ایلدکری تلغرافلره نظراً ، مصر ملی فرقه لری انکلتزه علیه اهالی یی تهییجه دوام ایدیورلریش ، لکن اهالی بولره قولاق آصمه یورمش ، خدیو اسکندریه دن قاهره یه کیدرکن پک جوق آلفیشلاشمش ایش ، انگلیز مأمور مخصوصی آلدن غورست ، یاقینده مصری ترک ایدیورمش ، بوکونلرده استانبوله کلن بوئر محاربه لرنده کی قهر و شدتیه معروف لورد کچر سودان ، مصریده سیاحتیه کیدیورمش اگر بو خبرلر هب بر آرایه کتیریلوب آزیجق دوشونیلیرسه ، انگلیزلر نه یه حاضرلندقلری بالسوله آکلایشیلور : ملی فرقه اهالی یی تهییجه ایدیور دیه بالنسبه یومشاق اداره لی غورستی قالدیروب یرینه آغیر الی برعسکر اولان کچری قویاجقلر ومصری صیقدفجه صیقاقلر . .

اداره عرفیه رفعی . — قوصوه ، سالنیک ومناستر ولایتلرندن اداره عرفیه رفع اولندی . صرب ، بلغار مطبوعاتی بونی پک زیاده ممنونیتله تلقی ایتدی . استانبول چرائدی بوندن پک آز بحث ایتدی . یالکز « طین » ممنون اولشه بکزه مدی .

اکثر اهالیسی مسلمان اولان آرنبودلقدده اداره عرفیه دوام ایدرکن ، سلاح طولانورکن اوروپالیلر ، صرب و بلغارلر ، استانبول مطبوعاتی (عجبا افکار عمومی می ؟) هب ممنوندی . صره صرب و بلغارلره کلنجه اوروپالیلر ، صرب و بلغارلر حدتدن آتش صاچدنلر ، حکومتده رفعی موافق کیاست و سیاست بولدی . فقط ، عجبا صرب و بلغارلر آلدن بولسان سلاحلرده ، آرنبودلقدده اولدینی کی طویلانا بیلدی ؟ طویلانا مادیه ، سلاحه روم بیلیده مسلمانلر زیانه برعدم توازن حاصل اولمادی می ؟

سلطانک مهنوسی سبیلده مصرده سک ضربی . — سلطان محمد خان خامس حضرتلرینک سریر سلطنته جاوسی مناسبتیه مصر حکومتی خلیفه مشارالیه ک طغراسیله موشح کوش ، نیکل سکلر ضرب ایتدیکنی مالیه نظارتیه یقینده میدان تداوله چیقاریله جق بوباره دن یرمقدار ورود ایتدیکنی مصر مطبوعاتی برتبلیغ رسمی اوزرینه یازیور .

سیرده « سیرور » . — بونام ایله سیرورده اسلامیتک و معارفک ترقیسنه خادم بر غرتیه انشاره باشلامشدر . تبریک ایله دوام موفقیتی غنی ایده رز .

ایران :

رهشت ، خوی و سلماس رفعلری . — کچنلرده اوروپادن کلن

تلغرافنامه لرده ، دولت عثمانیه نک رهشت شهیندرخانه سنه بعض تحقیرات ایقاع اولندیغی ، خوی و سلماس شهیندرینه تجاوز و وقوعه کلدیکی خبر ویریلیوردی . « طین » رفیقمز بوباده منبع موثوقدن آلمشه بکزه یی معلومات آتیه یی اعطا ایدیور :

خوی و سلماس وقعه لری حقه ده آلدیغمز تفصیلات صحیحیه کوره شهیندر سعدالله پک بعض تفتیشاتدن عودت ایدرکن اوزرینه بش ماور فیشنکی انداخت ایدلش ایسه ده هیچ بری اصابت ایتمه مشدر .

وقعه یی متعاقب سعدالله پک همان حکومته مراجعتله متجاسرلرک تأدینی طلب ایتشدر . مشارالیه ک طلب واقعی درحال اسعاف اولنه رق خلیل نامنده بری توقیف ایدلشدر . مرقوم شدیداً دوچار مجازات ایدیله جکدر .

کچنلرده « رهشت » شهرنده عثمانی شهیندر خانه سنه وقوع بولان تجاوز حقه ده ایدیلن اشاعت اوزرینه اجرا ایلدیکمز تحقیقاده وقعه نک شو صورتله جریان ایش اولدیغی آکلادق :

عثمانی تابعیتند . بولنان برینک توقیفی لازم کلدیکندن توقیف اولنه رق شهیندر خانه یه کتیرلیدی صیراده مرقوم ، رفقاسندن بری طرفندن قورتارلق ایستر و بوسورتله تجاوزانده بولنور و بویه متجاوزانه صورتده شهیندر خانه یه قدر کلیر ایسه ده بالطبع اوده دردست اولنه رق حکومت حمیه تسلیم اولنور . ایرانی قارده شلریمزک ، بویه انک بجرانی بر دوره تاریخیلرنده یکانه

صمیمی دوستلری اولان بر دولت اسلامیه نک مثل رسمیلرینه روا کوردکاری بوکی معاملاتک سبب وعلتی ، رشت ، خوی و سلماسک موقع جغرافیای معلوم اولمازه هیچ اکلاشیلمز دی . مواقع مذکوره روسیه حدرد وجوارنده در . . . اونه دنبری ایضاح ایده کلدیکنمز اوزره روسیه ایران سیاستک شو آنده اشمهم براساسی هنه صورتله اولورسه اولسون ، عثمانی و ایرانی مسلمان قارده شلری برلرندن صوئوتق ، برلرینه عدو قیلمق در . بوکا وصول ایچون بر طاقم عقلسز آدملری شبهه سز قولانیورلر .

روسیه :

مسلمانلره تفضیقات . — استخبارات خصوصیه منزه کوره قزان مدرسه لرنده اوقیوبوب اکمال تحصیل ایدن طلبه علومک قزان ولایتی جوامع شریفه سنده امام اوله لرینه ممانعت ایدیلمه یه باشلامشدر . قزان مدرسه لری ، اک زیاده اصلاح ایدیلش مدارس اسلامیه دن اولدقلری جهته اولنلرده کسب علم ایله فیضیاب اولش کیمسه لرک دیندا شلرینه رهبرک ایتملری ، روسیه حکومتجه ضرری عد اولنور !

§ داخلیه ناظرینک اناسیله روسیه مسلمانلرندن قسم اعظم نک تابع اولدینی قزان . اورنبورغ اداره روحانیه سنک و بو اداره روحانیه نک احتوا ایتدیکی مملکتده کائن مسلمان مکتب و مدرسه لرینک تفتیشی ضمننده رجال دولندن بر ذاتک تحت ریاستنده بر هیأت تفتیشیه تشکیله اراده ایمراطوری صادر اولشدر .

اسرار دارالمعلمینی کشارینه توسل . — اورنبورغ مفتیسی محمد یاور افندی سلطانف حضرتلرینک خدمت فتواده ۲۵ سنه بولنه لری خاطره سی اولق اوزره اوفا شهری مسلمانلرینک بر « دارالمعلمین » آچق فکرینه کلدکری ، روسیه مسلمان جرائنده کوریلدی . موفق اوله لرینه البته دعاچی بز . آنجق شمدی یه قدر « دارالمعلمین » حقه ده بر قاج دفعه لرایدیلان تشبثلرک ، روسیه حکومتک ممانعتیه غیر مشر قالدیغی خاطرلیه رق ، امیدوار اولامیورز .